

近代詩鈔

十七

近代詩集

十七

近代詩鈔

姚永概

永概字叔節安徽桐城光緒戊子解元官

有慎宜

軒詩

由九江至孤塘行廬山麓四十里村景佳絕

異書欲就輿中讀卻喜光山復掩之石聳半天流爽氣日高諸
有忽成奇喬松白鶴誰堪撫絕澗青虹却倒垂太白去今已千
載屏風張疊似當時

九江中秋

佳節登臨古所歡憑欄孤客且盤桓去年那識今年事山月不
如江月寬燈火幾家聞鼓吹樓臺何處不清寒遙知此際高堂
上把酒應憐行路難

近代詩鈔

姚永概

一

肯堂用大人韻作詩示予因及予與吳仲懿江陰之舊遊
而以身強爲可寶次韻奉酬

生於吳楚愛幽并五嶽填胸不可平少壯漸過添老態江湖行
徧減山情高吟斗室春回座臘雨連宵冷入城彭蠡樅陽二千
里茫茫帆楫又東征

通州水心亭

野水隔城市人來須小航亭臺初不見但有千垂楊道人拂巾
出高冠危且方不語自微笑聽客高踞牀玉蘭當塔植醢醢新
開房淹留午到夕茶荈繼壺觴新月始有棱光輝猶未長迴艫
盪小槳撥刺驚鳧翔却顧所來逕暝色含煙黃

書梅宛陵集後

梅集六十卷買自武昌市刻者明嘉靖宋君巡按史屬工宣城

令字大殊可喜惟其訛謬多又闕數十紙借得道光本彌月事
校理所闕抄使完其訛難訂矣我思文字貴在切時與己要使
真面目留與千秋視時爲何等時士爲何等士當其入微妙不
在文字裏閱歷助胸襟天姿加踐履四事不關詩詩固待此美
俗士動誇古終身寄人里一體效一家自矜工莫比乞人衣百
寶寶也殊足恥揚眉譏杜韓况說宋諸子告以先生詩笑口或
大哆孰知六一翁低首直到趾古貨真難賣病在古入髓東坡
尙嫌酸餘賢可知爾械之笥篋中我歡獨在此

書鄭子尹詩後

生平怕讀鄭莫詩字字酸入心肝脾邵亭尙可老巢酷愁絕篇
篇母氏思乃知文字到妙處性情學力分張麾無情終是土木
偶無學未免成僇兒昔者吾友江潛之文令人快猶卑卑惟酸

方許語刻骨此言真實不余欺學詩半生偶自喜持以較古多
然疑世士得名殊妄耳那曉三百風詩遺

送孫純齋赴潛山二首

往時襍被入舒潛景物逢秋潤可沾矮柏著丹遮屋角修篁引
翠到山尖別來泉石應如故此去風光想更添爲問窖麻春竹

地可能容我突常黔

通伯及余三數姻友
有造紙廠在水吼嶺

君行便道游山谷谷裏今無百丈松丹嶂舊藏禪祖骨白雲時
起漢家封巖題剝蝕文能讀法字蕭條佛缺供惟有石牛堪負
重八風不動自從容

練潭道上書感

棠梨花密杏花疎物色風光慰病軀官道著泥晴尙滑春山藏
靄淡如無種桑日望當攀采佩玉知難利走趨驚撫頭顱空老

大竿船真欲泛松湖

題沈乙庵方伯寒林坐臘圖後自書病僧篇

萬本蕭慘人跡絕春氣潛藏根似鐵枯莎敷座洞門深寂滅更
無言可說僧病非身亦非心異香成穗繞雙林却憐八表同昏
際願放光明破闇陰

用山谷遊王舍人園韻題天柱閣

築閣行省司地直龍山陽天晴西北望嶽色不可藏自古賢政
策在暇不在忙沈公有道氣官居等寶坊論徵古典籍坐集儒
衣裳時流老成淚或慙燕寢香去年江淮饑稻黍不芬芳庫藏
又久空安得化金方貸粟監河侯救此災剝床憂多公膳減孤
負數百觴世方競炎熱誰解心清涼赫然聲利場照以明月光
橫流波浩浩正色天蒼蒼潛霍有佳境中開天地房宛委古藏

書待公與意量其男多朴野爭席魚相忘其女半高髻未知時
世粧公令四境安容我接輿狂

題子善秋景

柳老西風作意驕孤蟬獨自抱疎條不知更有春來否到眼秋
光太寂寥

偶題


西風吹雨似輕埃零落殘芳尙亂開秋蝶向花無意興繞叢三
匝却飛迴

偶懷梁節庵胡漱唐

上書不報拂衣去絕類西京梅子真最痛篇終陳苦語異時逆
耳更無人

方伯豈仲斐招遊天壇觀古柏作歌

天壇鎖鑰放三日士女長安空巷出琉璃廠內鞭影驕正陽門
外車聲疾方生邀客及衰朽微醺莫放斜陽失未到先驚勢駿
雄入門已覺情蕭瑟繞壇一碧皆種柏羅列駢生成秩秩元耶
明耶世不知百株千株數難悉陰森奪日色淒涼慘淡生風寒
凜慄怪根直下渴重泉霜皮縐裂蟠修綽真宜虎豹據爲宮恐
有狐狸攫作室旁幹猶承累葉露中枝折爲前宵颶無情樹木
尙如此繫日長繩知乏術祈年殿上望西山金碧依然暮靄間
王氣已隨龍虎盡夕陽祇見雁鳥還往聖千秋垂教澤嚴祀昊
天威百辟彼蒼視聽悉依民精意分明存簡冊大道原爲天下
公此心不隔耶回釋齋宮肅穆水環垣想見千官助駿奔中夜
燔燎半空赤連營宿衛萬夫屯五千運過蒼天死更聞開作公
園矣吁嗟乎倚天拔地之古柏願與游人重愛惜



近代詩鈔

王毓菁

毓菁字貢南福建閩縣人光緒戊子舉人官山東知縣

苔

幾日春陰悶小庭踏莎人去雨冥冥天涯芳草斜陽外別是銷魂一種青

和鬯威柳枝詞

誰種公園此樹新恨眉醉眼怯風塵使君繫馬莫輕折留取明年高過人

曉風殘月倦聞歌閱盡天涯逐客多日莫津橋斜照裏更無言語但婆娑

又

別後長條幾度新舊游臺榭已生塵明湖千古銷魂地只有漁
洋是主人

公園坐雨示寄公

樓台四顧柳成圍縱有青山識面稀絕好夕陽偏遇雨無多風
絮欲沾衣簾櫳坐隱人誰見袍笏登場事總非庭沼依然棲鶴
地可憐鵝鴨不能飛


近代詩鈔

鄭祖庚

祖庚字星帆福建□□人光緒戊子舉人

懷石遺師

山小臨倉稻不肥野窮多兕觥薇稀皆山樓外春歸久案雀池
花客未歸



近代詩鈔

費念慈

念慈字屺懷號西蠡江蘇武進人光緒己丑進士官翰

林院編修有歸牧集

次公索題文待詔書列仙傳卷和松禪夫子韻

紫笋朱櫻懷夏社黃雞白酒酌秋天雲壺老去窻公病昔夢惺

忪碎不圓

卷爲顧此波致物乙未夏與若波結畫社於怡園

蠅頭妙楷技偏長三百年來篋笥藏一代論書有唐法前無希

哲後香光

嘗論有明一代之書自宋仲溫以晉法倡遂止知叢帖無碑版書所謂晉法亦叢帖中書耳能有唐法者

惟待詔一人而已

春風野服溷樵蘇一卷吟行拄杖扶開徧寒香三百樹舊山樓

上俗塵無

近代詩鈔

費念慈

皕亭師以次韻山舟先生手書詩扇見示奉和四首用原

韻

謫居猶得住吳閶聖德如天日月光避俗許尋猿鶴侶忘機喜

狎鷺鷗行短檠依照觚稜夢險韻橫馳翰墨場

公與巾山丈倡酬疊韻至五十

餘首未已

萬笏凌雲好山色歲寒松柏自孤芳

中酒無慚聖者徒盟言息壤未模糊藏書萬卷逾槎客

康熙間浙

四多藏書吳棹客兆齋拜經廬所收尤富查客錢塘人與公同里

種橘千頭富木奴銜石未填

滄海恨揮戈誰挽夕陽徂北窗高臥南榮曝桐帽樓鞵號老夫

得屯通彙復丁年會繼頻羅盛事偏

梁詩爲重宴鹿鳴紀恩之作

漢代自能

容汲黯名山從此屬焦先江湖滿地漁翁貴桃李成蹊聖火傳

我愧罪言曾十上

凡甲午乙未間

詔許諸臣言事先後疏

亦將乞

郢擬僧虔

萬歲通天帖有王僧虔乞郢中郡啓

座上常多北海賓蕭閒塵尾謝浮榮新編待寫歸田錄故事曾

聞折檻旌早歲題名偕季重屬爲憲齋丈所贈文今時結轡有

王生

張布衣永亨先生年七十餘伯隱於鉅肆熟也

曲聲觥字

傳疑久應許侯芭箸議平

三拙種方金錄微存公舉正定通釋

皕亭先生出示文休承刻宋四家書標題亦署停雲館法

帖後有華復初跋云蔡蘇黃米四家計九帖蓋停雲帖

祖刻也後其家漸益至數卷故以此石先後歸余家刻

入綠筠窩帖中云云後又有嘉靖十八年己亥錫山華

氏綠筠窩臧石一行各家皆未著錄攷停雲帖刻始嘉

靖十六年至三十九年而成則此刻當在十六年前也

爲題三絕於後

燈前側影麝煤香照我雙瞳爛爛光擬向潭州問希白風流千